

修訂日期: 2004/11/14 發行日期: 2006/2/15

發行單位: 中華電子佛典協會 (CBETA) <http://www.cbeta.org>

資料底本: 大正新脩大正藏經 Vol. 20, No. 1174

原始資料: 蕭鎮國大德提供, 北美某大德提供

No. 1174

五字陀羅尼頌

開府儀同三司特進試鴻臚卿肅國公食邑三千戶賜紫贈司空謚大鑒正號大廣智
大興善寺三藏沙門不空奉 詔譯

百千瑜伽中	金剛大師說
聖曼殊童子	五字祕密法
修此三昧者	疾入諸佛慧
能以凡夫身	見成就佛身
此法最祕密	大師口傳授
應被精進鎧	依法不依人
如來法無二	淨信者所得
猶如普注雨	沃土先滋長
世尊所密教	智者宜修習
眾生性狹劣	迷入三有苦
雖聞勝上法	不生勇進意
智者生悲愍	為此求先覺
猶如近寶山	智人往採掇
愚者知不往	長日受眾苦
若有聞此法	即知最勝路
住於大願者	如是人堪學
若有聞此法	悚慄深悲喜
涕泣身毛豎	如是人堪學
若有聞此法	一心即不亂
諸根淨適悅	如是人堪學
若有聞此法	隨得禪悅味
即不樂世樂	如是人堪學
若有聞此法	不待時與日
不求具足法	唯以心直進
不於諸供具	作求不得苦
善知法供養	如是人堪學

誦習真言時	如味天甘露
一心必願聞	如是人堪學
二手結祕印	作大懇重想
猶如捧須彌	如是人堪學
此法諸佛為	最上乘者說
根性下劣者	疑惑不能信
眾生性淨故	諸佛本誓力
以相應法印	現成諸聖身
即於一坐中	便成最正覺
若隨此法者	應作如是信
或起於一念	言我是凡夫
同謗三世佛	法中結重罪
未受灌頂位	及非同事者
不應妄稱說	如護髻中珠
如經說處所	或於阿練若
河池及海岸	清淨名山峯
得道轉法輪	仙人成就處
擇地起精舍	隨順於境界
塗地淨平好	布散諸時花
助法諸律儀	如諸部所說
清淨澡浴體	襲上妙衣服
塗香使嚴好	趣於精舍門
先想己身形	作金剛薩埵
左手持金剛	右執光明磬
門戶稱吽字	怒目除不祥
即五體投地	敬禮世尊足
一心以歸命	作佛常住想
次雙膝長跪	發露諸過咎
以此清淨句	懇誠為懺悔

唵薩嚩(二合)婆(引)嚩戍馱(引)薩嚩達磨(引)薩嚩(二合)

婆(引)嚩戍度含

當默誦一遍	口稱阿字句
無量所積罪	清淨無有餘
次以虔請心	結金剛起印

默誦此密語 召集十方佛
二手金剛拳 相鉤檀慧度
進力峯相合 當心仰三招
即知諸如來 悉從三昧起

唵嚩日[口*路](二合)底瑟姪(二合)

應觀虛空中 諸佛及聖眾
充滿法界海 間無有空缺
悉以誓願力 咸來降道場
結持金剛印 想禮諸佛足
二羽各相背 檀慧禪智鉤
想禮諸如來 長跪頂上散

唵嚩日囉(二合)勿(音微吉反)

坐法有四種 隨事次應作
端身定支節 趺坐淨月輪
則以麼吒字 二目為日月
舒放金剛焰 瞻視諸如來
次迴顧諸方 燒除作障者
心舌及二羽 吽字騰金光
猶如諸如來 說法之妙相
次對十方佛 結大誓願印
十度金剛縛 雙建忍願峯
示佛及諸聖 祈憶昔所願

唵三麼耶薩怛鑠(三合)

次結歡喜印 獻此三昧悅
十度外相叉 忍願中交合
檀慧與禪智 各相合而豎

唵三麼耶穀(引)素喇多薩怛鑠(三合)

觀於二乳上 右怛囉左吒
如宮室戶扇 誦此祕言句
即以金剛嚩 三掣撥令啟

唵嚩日囉(二合)滿馱怛囉(二合)吒(半音)

觀前八葉蓮 阿字素光色
二羽金剛縛 禪智入於中
誦此祕密言 字流入於殿

唵嚩日囉(二合引)吠舍惡

如前入字印 進力度屈拄

以此闔心門 智字獲堅固

唵嚩日囉(二合)母瑟致(二合)[牟*含]

次結降三世 住忿怒三昧

欲作此法者 先住大悲心

二羽金剛拳 檀慧反相鉤

進力度豎開 住於叱唱相

顰眉笑而怒 四吽如雷音

觀密迹等眾 受教而侍立

左旋成辟除 右旋成結界

唵遜婆儻遜婆儻吽吃哩(二合)恨拏(二合)吃哩(二合)恨拏(二合)吽吃哩(二合)恨拏(二合)

播耶吽阿曩耶穀薄伽鑊嚩日囉(二合)吽發吒(半音)

次結三昧印 行者住三昧

二羽外相叉 仰於跏坐上

端坐合口齒 數息令心定

先所請如來 遍滿空界者

彈指警覺我 令觀阿字門

默誦此密語 受教而侍立

唵唧多鉢囉(二合)底味鄧迦[口*路]彌

當默誦一遍 便想為月輪

倍欲清淨故 誦此祕密言

唵冒地唧多母怛跛(二合)那夜彌

於清淨月輪 觀種子淡字

以成金剛劍 誦此祕密語

唵底瑟姪(二合)嚩日囉(二合)底乞瑟拏(三合)

於清淨月輪 銳利至光徹

次應漸周遍 引量同虛空

唵薩頗(二合)囉嚩日囉(二合)底(引)乞瑟拏(三合)

亦不見己身 及與一切相

次應漸觀劍 誦此收攝言

唵僧賀囉嚩日囉(二合)底乞瑟拏(三合)

虛空諸如來 悉隨劍而斂

量同己身已 便成本聖形

身色如紫金	作妙童子相
五髻被首飾	冠寶五方冠
右持金剛劍	上發火焰色
左手持青蓮	有般若梵夾
住諸妙色相	身處淨月輪
行者住此已	應作是思惟
我今堅固住	金剛劍之身
三昧耶之身	摩訶三昧耶
三世諸如來	現成等正覺
我住此三昧	為金剛劍身
作是思惟已	同於誦密語
應結本聖印	加持三昧形
二羽外相叉	忍願俱申直
屈二度上節	猶如劍峯狀
心額喉與頂	各誦此一遍

唵縛佉泚娜淡

又結五髻印	令具足諸相
戒慧及檀方	進禪力智度
忍願等皆合	印狀如五峯
印心兩肩喉	最後置頂上
此名五髻印	誦此本真言

曩莫三曼多沒馱南阿鉢囉(二合)底賀多舍娑娜南恒儻也(二合)他唵囉囉三麼(二合)囉阿鉢囉(二合)底賀多舍娑娜南俱摩囉路跛陀哩拏吽娑頗(二合)吒娑頗(二合)吒娑嚩(二合引)賀(引)

次結灌頂印	雙手合其掌
禪智入於中	進力摩尼狀
置額誦密語	想佛灌我頂

唵囉怛曩(二合)句舍阿佉哩耶(三合)吽

次結寶鬘印	前印解而分
額前與頂後	以印皆三繞
先從壇慧開	如垂鬘帶勢

唵囉怛娜(二合)句舍阿佉哩耶(三合)麼隸

次被堅固甲	二羽金剛拳
交舒進力度	唵砧想指面

綠色光不絕 猶如抽藕絲
心背臍與腰 二膝與坐後
漸及喉與頸 次額及頂後
進力皆三繞 前從壇慧散
二手垂天衣 此名慈悲甲

唵嚩日囉(二合)迦嚩制嚩日囉(二合)句嚩嚩日囉(二合)嚩日哩(二合)舍

次於畫像心 觀淡字為劍
復成本尊體 如前之所觀
即以鉤印請 二羽金剛拳
檀慧反相鉤 力豎進招屈

唵嚩日啞(二合)句舍弱

次以索印入 印相同於前
唯以進力度 相拄如環勢

唵嚩日囉(二合)波舍吽

次以鎖印止 二羽金剛拳
進力如鉤鎖 以此能止住

唵嚩日囉(二合)薩普(二合)吒[牟*舍]

次以磬印喜 復以此前印
檀慧進力度 各各反相鉤

唵嚩日囉(二合)健茶穀

次應獻遏伽 妙器滿香水
并置微妙花 捧至額以獻

唵嚩日[口*路](二合)娜迦垢

次結四內供 遍照尊所化
摩訶囉底女 適悅獻諸聖
二羽金剛縛 禪智並而申
觀妙妓女雲 遍滿十方刹

唵摩訶囉底

次以鬘印獻 伸臂捧而前
觀妙寶鬘雲 遍滿虛空界

唵[口*路]波戌鞞

次結歌詠印 以此而供養
前印從於臍 漸上至口散
想緊那羅音 供養諸聖眾

唵輸嚧(二合)怛囉(二合)燥企曳(二合)

次以舞供養 奉獻十方聖
二手金剛拳 右旋頂上散
想妙妓樂雲 遍滿諸世界

唵薩嚧補而曳(二合)

次以焚香印 普薰諸世界
金剛縛下散 遍法界香雲

唵嚧日囉(二合)度閉

次以散花印 莊嚴諸世界
金剛縛上散 花網遍虛空

唵嚧日囉(二合)補澁閉(二合)

次獻智燈印 普燎諸幽冥
禪智前相逼 普此智慧光

唵嚧日囉(二合)魯計

次獻塗香印 當胸塗香勢
以解脫香雲 普淨眾生界

唵嚧日囉(二合)嚧提

內外供養已 次第當順念
結祕根本印 誦百字真言

唵(引)

揭哩誡(二合)薩怛嚧(二合)參摩耶摩弩播擺野揭哩誡(二合)

薩怛嚧(二合)怛尾(二合)

弩(引)

跋底瑟姪(二合)儻哩(二合)住(引)

銘婆嚧素覩(引)

瑟論(二合)銘婆嚧阿怒囉訖都(二合)寐婆嚧素補瑟論(二合)寐婆嚧薩婆悉地弭以鉢囉(二合)

也嗟薩嚧羯麼素者寐止多室唎(二合)藥句嚧(二合十一)

吽呵呵呵呵穀(引)薄誡梵薩嚧怛他藥多渴[口*栗]誡(二合)麼寐悶者渴[口*栗]覩(二合引)婆

嚧摩訶三摩耶薩怛嚧(二合)

惡(引)

不解根本印 便稱已念明

阿囉跛者娜

念法有四種 一者三摩地

謂觀所念明 本尊口流出

隨光入我口 右旋布心月
如以水精珠 布於明鏡上
阿耨多羅三藐三菩提無生義 囉無塵染義
跋無第一義 諸法性平等
者無諸行義 娜無性相義
五句雖差別 其性無有二
心與性合者 不須重分別
佛所歎無思 無思亦不思
不思思思已 乃至陀羅尼
如是四句義 隨順契經說
二者言音念 依前觀諸字
離高下緩急 音勢如搖鈴
三者金剛念 依前入字觀
密合唇與齒 小令舌微動
四者降魔念 以悲心為本
外現威怒相 顰眉聲亦勵
四種雖差別 一念為無二
二手持念珠 菩提與蓮子
當以蓮華印 或住說法印
朝午昏中夜 四時為定准
此法最第一 為祕密中最
應不顧身命 一心依了義
順理修行人 住於禪行者
應當觀此法 為起三昧用
速獲種智故 下劣根性人
癡愛雜亂者 亦勸修此法
為消煩惱障 入寂靜智故
數限終竟已 復獻遏伽水
應以歡喜心 妙音誦讚歎
復陳八供養 戀慕而奉獻
結祕根本印 從心頂上散
想尊虛空中 復道還本宮

唵嚩日囉(二合)底乞瑟拏(三合)穆

住此三昧人
除佛及菩薩
欲隨順世間
當觀彼人首
誦百字真言
心欲有散亂
昔於大師前
愚力不能述
恐違大聖者
猶如愚下人
勿以輕彼故
野干羅剎形
願以此功德
我得離世網

最尊無有上
無人可愛敬
現於禮敬者
有佛菩薩相
法中所祕密
應當密稱誦
口受要如是
如海一滴水
悚懼懷戰慄
手獻少甘露
上藥為無効
為法故應受
普覺諸群有
隨說而修習

五字陀羅尼頌